



CANTON SARAJEVO
Ministry for Education

Broj: 11/04-34-13303-8/20
Sarajevo, 18.5.2021. godine

Na osnovu člana 23. Zakona o obrazovanju odraslih ("Službene novine Kantona Sarajevo", broj: 40/15 i 40/20), čl. 5. i 7. Pravilnika o postupku utvrđivanja uvjeta, sadržaju i načinu vođenja Registra organizatora obrazovanja odraslih („Službene novine Kantona Sarajevo“, broj: 24/16), Odluke Vlade Kantona Sarajevo, broj: 02-04-20473-13/21 od 7.5.2021. godine i Rješenja o ispunjenosti uvjeta za rad organizatora obrazovanja odraslih – Edukativni centar "FINconsult" broj: 11/04-34-13303-7/20 od 10.5.2021. godine, ministrica za odgoj i obrazovanje Kantona Sarajevo
d o n o s i

RJEŠENJE
o upisu u Registar organizatora obrazovanja odraslih

- 1. Privredno društvo EDUKATIVNI CENTAR "FINconsult" Sarajevo** u okviru pravnog lica FINconsult d.o.o. Tuzla, Poslovna jedinica Sarajevo - Općina Centar Sarajevo, upisana je u Registar organizatora obrazovanja odraslih pod rednim brojem **29. na strani 29.**
- 2. Sjedište organizatora obrazovanja odraslih – Privredno društvo Edukativni centar "FINconsult" Sarajevo** u okviru pravnog lica FINconsult d.o.o. Tuzla je: Asima Ferhatovića br. 2, Općina Centar Sarajevo.
- 3. Registar organizatora obrazovanja odraslih Kantona Sarajevo,** vodi Ministarstvo za odgoj i obrazovanje Kantona Sarajevo.

O b r a z l o ž e n j e

Firma FINconsult d.o.o. za finansijsko-računovodstveni i upravljački konsulting Tuzla, sa sjedištem u Tuzli na adresi ulica Armije BiH br. 15, Općina Tuzla - Poslovna jedinica Sarajevo na adresi Asima Ferhatovića br. 2, Općina Centar Sarajevo, je 20.10.2020. godine Ministarstvu za obrazovanje, nauku i mlade Kantona Sarajevo podnijela Zahtjev za izdavanje rješenja o ispunjavanju uslova za osnivanje i rad organizatora za neformalno obrazovanje odraslih – Edukativni centar "FINconsult", u okviru pravnog lica FINconsult d.o.o. Tuzla, Poslovna jedinica Sarajevo, uz koji je priložen i Elaborat o opravdanosti osnivanja, koji je na osnovu primjedbi Ekspertne komisije dopunjen.

Ministarstvo za obrazovanje nauku i mlade Kantona Sarajevo je Rješenjem br. 11/04-34-13303-1/20 od 7.12.2020. godine formiralo Ekspertnu komisiju čiji je zadatak bio da razmotri Zahtjev i Elaborat, te da dadne stručno mišljenje o društvenoj opravdanosti za osnivanje i rad organizatora za neformalno obrazovanje odraslih – Edukativni centar "FINconsult", u okviru pravnog lica FINconsult d.o.o. Tuzla, Poslovna jedinica Sarajevo u skladu sa Zakonom i Odlukom o standardima i normativima za obrazovanje odraslih.

Ekspertna komisija je nakon izučavanja i razmatranja Elaborata dala Stručno mišljenje o društvenoj opravdanosti osnivanja i rada organizatora za neformalno obrazovanje odraslih – Edukativni centar "FINconsult", u okviru pravnog lica FINconsult d.o.o. Tuzla, Poslovna jedinica Sarajevo.

U Zaključku stručnog mišljenja Ekspertne komisije je istaknuto da je Elaboratom potvrđena društvena opravdanost osnivanja i rada organizatora za neformalno obrazovanje odraslih – Edukativni centar "FINconsult", u okviru pravnog lica FINconsult d.o.o. Tuzla, Poslovna jedinica Sarajevo.

Komisija za utvrđivanje uvjeta za rad Edukativnog centra "FINconsult", koju je formirao ministar za obrazovanje, nauku i mlade Kantona Sarajevo je izvršila uvid u priloženu dokumentaciju i uvjete u objektu, te zapisnički konstatirala da su obezbijedeni uvjeti za rad u skladu sa važećim Zakonom o obrazovanju odraslih i Odlukom o standardima i normativima za realizaciju programa za obrazovanje odraslih.

Materijal pripremljen od strane Ministarstva za obrazovanje, nauku i mlade Kantona Sarajevo je razmatran na Vladi Kantona Sarajevo, na sjednici održanoj 30.12.2020. godine, te je isti vraćen na doradu.

U međuvremenu je novoformirano Ministarstvo za odgoj i obrazovanje Kantona Sarajevo preuzelo navedeni predmet, te je zakazan sastanak članova ekspertne komisije, na kojoj je odlučeno da se podnosiocu zahtjeva na doradu dostavi elaborat i to određeni dijelovi elaborata, a koje je osnivač korigirao.

Vlada Kantona Sarajevo je na sjednici održanoj 7.5.2021. godine donijela Odluku broj: 02-04-20473-13/21, kojom se daje saglasnost za osnivanje, rad i obavljanje djelatnosti obrazovanja odraslih, kao i pokretanje procedure za upis u Registar organizatora obrazovanja odraslih za privredno društvo – Edukativni centar "FINconsult" Sarajevo u okviru pravnog lica FINconsult d.o.o. Tuzla, Poslovna jedinica Sarajevo.

Ministrica za odgoj i obrazovanje Kantona Sarajevo je dana 10.5.2021. godine, na osnovu Zakona o obrazovanju odraslih, donijela Rješenje o ispunjenosti uvjeta za rad organizatora za obrazovanje odraslih za ustanovu za neformalno obrazovanje odraslih – privredno društvo Edukativni centar "FINconsult" broj: 11/04-34-13303-7/20, kojim je predviđeno donošenje posebnog rješenja o upisu ustanove za neformalno obrazovanje odraslih – privredno društvo Edukativni centar "FINconsult" u Registar organizatora obrazovanja odraslih koje se vodi u Ministarstvu za odgoj i obrazovanje Kantona Sarajevo.

Na osnovu navedenog riješeno je kao u dispozitivu.

Pouka o pravnom lijeku: Ovo rješenje je konačno u upravnom postupku, te protiv istog se ne može izjaviti žalba, ali se može pokrenuti upravni spor kod nadležnog suda u Sarajevu u roku od trideset (30) dana od dana prijema ovog rješenja.

MINISTRICA
Naida Hota - Muminović

Dostavljeno:

1. Edukativni centar "FINconsult",
2. Ministarstvo za odgoj i obrazovanje Kantona Sarajevo,
3. Kantonalnoj upravi za inspeksijske poslove - Inspektorat prosvjetne inspekcije,
4. Arhivi.

